



Број/Број:
Сарајево/Sarajevo, 30. 11. 2011.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO: 02-12-2011 | | | |
| Organizaciona jedinica | Klasifikaciona oznaka | Redni broj | Broj priloga |
| 01 | 50-1- | 15-13/11 | |

ПАРЛАМЕНТАРНА СКУПШТИНА БиХ
ПРЕДСТАВНИЧКИ ДОМ
н/р Дениса Бећировића, предсједавајућег

ПРЕДМЕТ: Одговор на посланичко питање

Поштовани,

У вези са посланичким питањем уваженог посланика Бериза Белкића, постављеним на 13. сједници Представничког дома ПСБиХ, одржаној 10. 11. 2011. године, желим нагласити да предсједавајући домова приликом одобравања коришћења сала у згради Парламентарне скупштине БиХ примјењују одредбе Упутства о начину коришћења сала у згради Парламентарне скупштине БиХ.

Сви подносиоци захтјева могу користити сале у згради Парламентарне скупштине БиХ под једнаким условима, а све у складу са наведеним упутством који достављам у прилогу.

Молим Вас да овај одговор прослиједите подносиоцу посланичког питања Беризу Белкићу.

С поштовањем,





Број/Број: 01,02-02-4-1020/11
Сарајево/Sarajevo, 03. 10. 2011.

Заједнички колегијум оба дома Парламентарне скупштине Босне и Херцеговине, на 4. сједници одржаној 29. 09. 2011. године, донио је

**УПУТСТВО О НАЧИНУ КОРИШЋЕЊА САЛА У ЗГРАДИ
ПАРЛАМЕНТАРНЕ СКУПШТИНЕ БОСНЕ И ХЕРЦЕГОВИНЕ**

Члан 1.

Предмет овог упутства су сале којима располаже и управља Парламентарна скупштина Босне и Херцеговине (у даљем тексту: ПСБиХ), као и право коришћења сала.

Члан 2.

ПСБиХ располаже и управља сљедећим салама:

(1) ПРВИ СПРАТ

- Сала 1/И, 42 мјеста + 24 са стране (промјењиво)
- Сала 2/И, 20 мјеста
- Сала 3/И, свечани салон 11 мјеста
- Мала сала, 10 мјеста
- Велика сала, 544 мјеста + галерија 112 мјеста

(2) ДРУГИ СПРАТ

- Сала 1/II, 32 мјеста
- Сала 2/II, 20 мјеста + 10 мјеста са стране (промјењиво)
- Сала 3/II, 50 мјеста (сала за прес-конференције)
- Бијела сала, 128 мјеста + 44 мјеста за новинаре

(3) ЧЕТВРТИ СПРАТ

- Плава сала, 125 мјеста.

Члан 3.

- (1) Сале из члана 2. овог упутства служе искључиво за активности ПСБиХ, парламентарних тијела ПСБиХ, радних група ПСБиХ итд.
- (2) Изузетно од става (1) овог члана сале се могу дати на коришћење и другим институцијама и организацијама само на основу писмене одлуке одговорних лица из члана 4. овог упутства.
- (3) Захтјев за резервацију сале подноси се ПСБиХ најмање седам дана прије датума коришћења.
- (4) Захтјев треба да садржи датум резервације сале, вријеме трајања, број учесника и потребну опрему и услуге.

Члан 4.

- (1) Одлуку о одобравању и коришћењу Велике сале на I спрату у згради ПСБиХ доносе предсједавајући оба дома ПСБиХ.
- (2) Одлуку о одобравању и коришћењу Бијеле сале на II спрату у згради ПСБиХ доноси предсједавајући Представничког дома ПСБиХ.
- (3) Одлуку о одобравању и коришћењу Плаве сале на IV спрату у згради ПСБиХ доноси предсједавајући Дома народа ПСБиХ.
- (4) Одлуку о одобравању и коришћењу сала и холова у згради ПСБиХ, изузев сала наведених у ст. (1), (2) и (3) овог члана, доноси секретар Заједничке службе Секретаријата ПСБиХ.

Члан 5.

- (1) Послове текућег одржавања и угоститељске услуге у простору сала пружа Служба за заједничке послове институција БиХ.
- (2) Обезбјеђење сала (спољно и унутрашње) врше за то надлежне институције.

Члан 6.

- (1) Корисник се мора односити према простору сала, холова те осталих дијелова зграде као добар домаћин.
- (2) Корисник је дужан да се придржава Правила о кућном реду у згради ПСБиХ.
- (3) Штету која наступи у и на простору сале, из намјере или непажње, сносиће корисник.
- (4) Корисник ће потписати изјаву о коришћењу сале, уз обавезу накнаде причињене штете у сали.
- (5) Секретаријат ПСБиХ припремиће текст изјаве, предати и примити салу у исправном стању.

Члан 7.

- (1) Ступањем на снагу овог упутства престаје да важи Одлука Колегијума Секретаријата о праву коришћења сала у згради Парламентарне скупштине БиХ, број: 03-50-1-23-44-3/08 од 28. 01. 2008. године.
- (2) Ово упутство ступа на снагу даном доношења и биће објављено на огласној табли Парламентарне скупштине БиХ.

Члан 8.

За примјену овог упутства задужен је Секретаријат ПСБиХ.

ПРЕДСЈЕДАВАЈУЋИ
ПРЕДСТАВНИЧКОГ ДОМА

др Денис Бећировић



ПРЕДСЈЕДАВАЈУЋИ
ДОМА НАРОДА

Огњен Тадић



**ИЗЈАВА О КОРИШЋЕЊУ САЛЕ У ЗГРАДИ
ПАРЛАМЕНТАРНЕ СКУПШТИНЕ БОСНЕ И ХЕРЦЕГОВИНЕ**

Сходно добијеном одобрењу за коришћењу сале у згради Парламентарне скупштине, у
име

изјављујем да ћемо салу _____, холове те остале дијелове зграде користити у складу са кућним редом у згради Парламентарне скупштине Босне и Херцеговине поступајући као добар домаћин, те ако приликом коришћења сале начинимо штету, спремни смо да је надокнадимо.

Сарајево, _____ године



Broj/ Број: 01-50-2-13-21/11
Veza/Вежа: 01/a-50-1-15-13/11
Sarajevo/Сарајево, 9. decembar 2011.

| BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO | | | |
|--|--------------------------|---------------|-----------------|
| PRIMLJENO: | | 15-12-2011 | |
| Organizaciona jedinica | Klasifikaciona oznaka | Redni broj | Broj priloga |
| | | | |

BERIZU BELKIĆU
POSLANIKU U PREDSTAVNIČKOM DOMU
PARLAMENTARNE SKUPŠTINE
BOSNE I HERCEGOVINE

Predmet: Odgovor na poslaničko pitanje

Poštovani,

Kolegij Predstavničkog doma Parlamentarne skupštine Bosne i Hercegovine na 21. sjednici, održanoj 7. decembra 2011., razmatrao je Vaše pitanje s 13. sjednice Predstavničkog doma Parlamentarne skupštine BiH, održane 10. novembra 2011. godine, postavljeno predsjedavajućem Predstavničkog doma i predsjedavajućem Doma naroda Parlamentarne skupštine BiH, koje glasi:

„Da li i druge, odnosno sve parlamentarne stranke, mogu koristiti sale u ovoj zgradi kao što je to učinio i koristio SDP 29.10.2011. godine pod uslovima utvrđenim Uputstvom o načinu korištenja sala u zgradi Parlamentarne skupštine BiH?“

U vezi s Vašim pitanjem, zaključeno je da praksa izdavanja sala nije uspostavljena u ovom već u prethodnom sazivu Predstavničkog doma, i to u skladu sa Zaključcima Zajedničkog kolegija oba doma sa 24. sjednice, održane 16.12.2011. (broj: 01,02-50-3-1458/09 od 30.12.2009.).

Ovo pitanje sada je regulirano Uputstvom o načinu korištenja sala u zgradi Parlamentarne skupštine Bosne i Hercegovine koje je donio Zajednički kolegij oba doma Parlamentarne skupštine BiH na 4. sjednici, održanoj 29.9.2011. (broj: 01,02-02-4-1020/11 od 3.10.2011.), te Kolegij oba doma u skladu s istim i postupa.

S poštovanjem,

PREDSJEDAVAJUĆI
PREDSTAVNIČKOG DOMA
dr. Denis Bećirović



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2324/11
Sarajevo, 27.2.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO: 27-02-2012 | | | |
| Organizaciona jedinica | Klasifikaciona oznaka | Redni broj | Broj priloga |
| 01-50-1 | 1 | 15-13 | 11 |

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na pitanje koje je postavio Beriz Belkić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2324/11
Sarajevo, 23.2.2012. godine

Beriz Belkić, poslanik u Predstavničkom domu Parlamentarne skupštine Bosne i Hercegovine, na 13. sjednici Predstavničkog doma održanoj 10. novembra 2011. godine, postavio je sljedeće poslaničko pitanje:

„Realizira li se Program borbe protiv narkomanije i je li formiran tim za izradu Pravilnika o postupku uništenja droge?“.

Na postavljeno pitanje, Vijeće ministara Bosne i Hercegovine je na 2. sjednici održanoj 23. 2. 2012. godine, utvrdilo sljedeći

ODGOVOR

Program borbe protiv zloupotrebe opojnih droga u Bosni i Hercegovini je zasnovan na provedbi:

- Državne strategije nadzora nad opojnim drogama, sprečavanja i suzbijanja zloupotrebe opojnih droga 2009-2013 („Službeni glasnik BiH“ Broj 31/09);
- Državnog akcionog plana borbe protiv zloupotrebe opojnih droga 2009-2013 („Službeni glasnik BiH Broj 08/10“).

Vijeće ministara BiH, na svojoj 151. sjednici održanoj 25.05.2011. godine, razmotrilo je i usvojilo Informaciju o provođenju Državnog akcionog plana borbe protiv zloupotrebe opojnih droga u Bosni i Hercegovini 2009-2013, sa predloženim preporukama. Informacija o provođenju Akcionog plana se sačinjava godišnje, tako da se navedena Informacija odnosi na prvih 12 mjeseci implementacije Akcionog plana.

Pokrenut je postupak formiranja Radne grupe za izradu Informacije o provođenju Državnog Akcionog plana borbe protiv zloupotrebe opojnih droga u Bosni i Hercegovini 2009 – 2013, u drugoj godini njegove implementacije.

Vijeće ministara BiH, na svojoj 155. sjednici održanoj 13.07.2011. godine, utvrdilo je Prijedlog zakona o izmjenama i dopunama Zakona o sprečavanju i suzbijanju zloupotrebe opojnih droga. Prijedloga zakona je dostavljen Parlamentarnoj skupštini BiH na usvajanje.

Redovno se ispunjavaju međunarodne obaveze BiH u oblasti suzbijanja zloupotrebe opojnih droga, kroz dostavljanje različitih redovnih izvještaja nadležnim međunarodnim tijelima (Međunarodni odbor za kontrolu narkotika – INCB, UN Ured za droge i kriminal – UNODC, Evropski monitoring centar za praćenje droga i ovisnosti o drogama – EMCDDA).

Donošenje Pravilnika o čuvanju i uništavanju oduzete opojne droge od strane Vijeća ministara BiH, predviđeno je članom 81. Zakona o sprečavanju i suzbijanju zloupotrebe opojnih droga.

Na 75. sjednici održanoj 05.02.2009. godine, Vijeće ministara BiH je, na prijedlog Komisije za suzbijanje zloupotrebe opojnih droga (u daljnjem tekstu: Komisija za droge), donijelo Odluku kojom se formira Radna grupa za izradu ovog Pravilnika u sastavu od tri člana, predstavnik Ministarstva pravde BiH, Ministarstva finansija i trezora BiH i Ministarstva sigurnosti BiH (Službeni glasnik BiH Broj 40/09).

Kako se radi o veoma kompleksnom problemu u Bosni i Hercegovini, ekspertnu pomoć je pružila Delegacija Evropske komisije u BiH koja je izrazila zainteresovanost za učešće u ovom projektu. Eksperti koje je angažovala Evropska komisija su razmatrali Prijedlog pravilnika Radne grupe, nakon čega je navedeni dokument bio predmet tri javne rasprave, dvije održane pod pokroviteljstvom Delegacije Evropske komisije u BiH do 12.10.2009. godine i treće održane 04.12.2009. godine u Zgradi prijateljstva između Grčke i Bosne i Hercegovine.

Komisija za droge je na svom 8. sastanku održanom 30.03.2010. godine, zaključila da je neophodno da Ministarstvo sigurnosti BiH, tj. zamjenik ministra sigurnosti kao član Komisije za droge, organizuje javnu raspravu sa direktorima policijskih agencija u BiH kako bi se postigao konsenzus oko ovog Pravilnika.

Sastanak u organizaciji i pod predsjedavanjem zamjenika ministra sigurnosti BiH, g. Mije Krešića, održan je 14.04.2010. godine. Na osnovu zaključaka navedenog sastanka i kasnijih konsultacija, usaglašen je konačni Prijedlog Pravilnika o čuvanju i uništavanju oduzetih opojnih droga.

Na svom 9. sastanku održanom 19.10.2010. godine, Komisija za suzbijanje zloupotrebe opojnih droga jednoglasno je usvojila Nacrt pravilnika o čuvanju i uništavanju oduzetih opojnih droga radi upućivanja istog u proceduru usvajanja Vijeću ministara BiH.

Od 19.10.2010. godine, kada je Komisija za droge prvi put zatražila mišljenje Ministarstva finansija i trezora BiH o Prijedlogu pravilnika o čuvanju i uništavanju oduzete opojne droge, traje korespondencija sa navedenim ministarstvom tako da konačno pozitivno mišljenje Ministarstva finansija i trezora BiH o navedenom Prijedlogu pravilnika do danas nismo uspjeli dobiti.

Jedan od ključnih problema na koje je ukazalo Ministarstvo finansija i trezora BiH jeste neusvajanje budžeta institucija BiH za 2011. godinu, što direktno utiče na budžetsku podršku implementaciji Pravilnika.

Ministarstvo sigurnosti BiH je pokrenulo proceduru prikupljanja podataka o vrstama i količinama zaplijenjenih opojnih droga i prekursora u Bosni i Hercegovini, koje su spremne za uništenje. Na nivou Bosne i Hercegovine nema jedinstvenih podataka o kojim količinama opojnih droga, spremnih za uništenje nakon pravosnažnih presuda nadležnih sudova, se radi. Prema odredbama Zakona o sprečavanju i suzbijanju zloupotrebe opojnih droga, član 77. stav (3), obaveza vođenja evidencije o oduzetim količinama opojnih droga data je u nadležnost Ministarstva finansija i trezora BiH, ali navedeno ministarstvo nije preduzelo nikakve korake u ispunjavanju navedene obaveze. Poseban problem predstavlja što zaplijenjene opojne droge čuvaju sudovi, policija, tužilaštva najčešće u neuslovnim prostorijama.